

**LUTRIJA BOSNE I HERCEGOVINE d.o.o.**  
**SARAJEVO**

Broj: 380-12-MBD/24

Datum: 24.04.2024. godine

Na osnovu člana 70. Zakona o javnim nabavkama BiH („Službeni glasnik BiH“, br. 39/14 i 59/22), člana 18. Pravilnika o javnim nabavkama Lutrije BiH br. 03-3158/22 od 09.12.2022. godine i Zapisnika o pregledu i ocjeni ponuda Komisije za javne nabavke br. 380-11-MBD/24 od 23.04.2024. godine, direktor Lutrije Bosne i Hercegovine, donosi

**O D L U K U**

**o izboru najpovoljnijeg ponuđača po otvorenom postupku  
za javnu nabavku broj 018/24 od 05.03.2024. godine**

1. Kao najpovoljniji ponuđač po otvorenom postupku za javnu nabavku usluga broj 018/24, oglašavanje Lutrije BiH u programima TV kuća objavljenom na Portalu javnih nabavki BiH pod brojem 523-1-2-21-3-36/24 dana 05.03.2024. godine i u Službenom glasniku BiH br. 17/24 dana 08.03.2024. godine, a u skladu sa Zapisnikom o pregledu i ocjeni ponuda Komisije za javne nabavke, izabrane su ponude sljedećih ponuđača po LOT-ovima:

**LOT 1: Oglašavanje Lutrije BiH u programu televizije N1BiH**

„DIRECT MEDIA“ d.o.o. Sarajevo, sa cijenom od 61.902,00 KM bez PDV-a.

**LOT 2: Oglašavanje Lutrije BiH u programu televizije HAYAT TV**

„HAYAT“ d.o.o. Sarajevo, sa cijenom od 54.915,00 KM bez PDV-a.

**LOT 3: Oglašavanje Lutrije BiH u programu televizije TVSA**

„JP TELEVIZIJA KANTONA SARAJEVO“ d.o.o. Sarajevo, sa cijenom od 25.000,00 KM bez PDV-a.

**LOT 5: Oglašavanje Lutrije BiH u programu televizije BHRT**

„TIM SYSTEM“ d.o.o. Sarajevo, sa cijenom od 29.970,00 KM bez PDV-a.

**LOT 7: Oglašavanje Lutrije BiH u programu televizije O KANAL**

„DIRECT MEDIA“ d.o.o. Sarajevo, sa cijenom od 21.998,40 KM bez PDV-a.

2. Ponude ponuđača iz tačke 1. ove odluke ocijenjene su prihvatljivim, jer ispunjavaju sve uvjete tražene Tenderskom dokumentacijom, a u skladu sa kriterijem za dodjelu ugovora ponuđači su ponudili najnižu cijenu.
3. Izabranim ponuđačima ponuditi dodjelu ugovora o javnoj nabavci.
4. Za realizaciju ove odluke odgovorni su Sektor za pravne i opšte poslove i Sektor za finansijske poslove.
5. Dalji postupak po ovoj odluci provesti u skladu sa Zakonom o javnim nabavkama BiH, te Pravilnikom o javnim nabavkama Lutrije BiH.
6. Ova odluka se primjenjuje danom donošenja.

## Obrazloženje

U predmetnom postupku dostavljeno je osam ponuda i to ponuđača: „DIRECT MEDIA“ d.o.o. Sarajevo za LOT 1 i LOT 7, „MEDIA LEVEL“ d.o.o. Sarajevo za LOT 1, „HAYAT“ d.o.o. Sarajevo za LOT 2, „JP TELEVIZIJA KANTONA SARAJEVO“ d.o.o. Sarajevo za LOT 3, „DIG.IT.IN“ d.o.o. Sarajevo za LOT 4, „TIM SYSTEM“ d.o.o. Sarajevo za LOT 5 i „ARENA SPORT“ d.o.o. Sarajevo za LOT 6.

Komisija za javne nabavke Lutrije BiH, imenovana Rješenjem broj 03-62/24 od 10.01.2024. godine, izvršila je pregled i evaluaciju dostavljenih ponuda, te je konstatovala da su dostavljene ponude za LOT 1, LOT 2, LOT 3, LOT 5 i LOT 7, prihvatljive, dok je ponuda za LOT 4 neprihvatljiva i ponuda za LOT 6 nepravilna.

Nakon izvršenog pregleda i evaluacije dostavljenih ponuda, te održane e-Aukcije u sistemu e-Nabavke (za LOT 1), Komisija je dostavila direktoru Zapisnik o pregledu i ocjeni ponuda broj 380-11-MBD/23 od 23.04.2024 godine, zajedno sa preporukom o izboru najpovoljnijeg ponuđača po LOT-ovima. U postupku ocjene provedenog postupka, direktor nije našao razloge, nepravilnosti niti propuste u radu, koje bi eventualno bile osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Izabrani ponuđač za LOT 1 je dostavio prihvatljivu ponudu u skladu sa uvjetima naznačenim u tenderskoj dokumentaciji i kriterijem za dodjelu ugovora, te je ponudio najnižu cijenu nakon održane e-Aukcije.

Izabrani ponuđači koji su dostavili prihvatljive ponude, a u skladu sa zahtjevima naznačenim u tenderskoj dokumentaciji, te kriterijem za dodjelu ugovora, ponuđači su ponudili najnižu cijenu za pojedini LOT. Obzirom da je pristigla po jedna prihvatljiva ponude za LOT 2, LOT 3, LOT 5 i LOT 7 e-Aukcija nije održana.

Uzimajući u obzir naprijed navedeno, odlučeno je kao u dispozitivu ove odluke.

### POUKA O PRAVNOM LIJEKU:

Protiv ove odluke, svaki ponuđač koji je učestvovao u postupku nabavke, može izjaviti žalbu Uredu za razmatranje žalbi BiH putem Ugovornog organa i to na način propisan odredbama člana 99. Zakona o javnim nabavkama, u roku od 10 (deset) dana od dana prijema ove odluke.

Dostaviti:

- Sektor za pravne i opšte poslove
- Sektor za finansijske poslove
- Sektor za marketing
- Ponuđačima po javnoj nabavci broj 018/24
- Komisiji za javne nabavke
- Nadzornom odboru
- a/a.



DIREKTOR  
*Edhem Pašukan*  
Edhem Pašukan